

115 年全國語文競賽臺灣原住民族語言朗讀文章 【卡那卡那富語】 高中學生組 編號 1 號

mamarang tamna maka'uaru

miana, 'akia pa Cau Vuvurung tamna sinatu, 'akia tarisinata, 'akia takituturua tumatuuturu, 'akia poisua horecu sinatu, nakai cau mataa cau tavaru'u tia pakaruu arakukunu, tia 'aparuranu putukikio.

'una cau arakanu pui'i cu tanasa. noo 'unain niarakanua, pokari cu cocua kincaua 'apivatu tanasa, sii tia pasovungu nguain tamna niarakanua.

'apaco'e 'inmamia ucani 'aramu nukai ucani takipin 'au sua nikunua, macangcangaru cu musu'uvu na karakanu cau. matarava cu 'una kaisisi taniara. mamarang, kakana'ua, nanmarua, mamanu, sarunai, nanaku, tavaru'u kavangvang neni tia kamanungua.

cucuru! miana ia 'akia pa takituturua. nakai, mamarurang ia takituturua kavangvang. imua, ma'icupu mamarang pamuci, sii tia kiatuturu 'inia sua mamanu. mamarang miana paira 'una makai rocu kari maka'uaru na mamanu.

'akuni purusuvu na cau. sua paira purusuvu ia, 'akia cau manmaan arakukunu narisuvu.

'akuni ko'ua. sua cau nako'ua ia, cani cinivuru 'akia nguain tamna tangria. tia ma'icupu cau aracapici 'inia.

'akuni karasuru karapa'ici. sua paira manava ia, 'akia mamanung tina'an. cani pininga tia muru'inasu siacuvuru.

tamu'iaru putukikio. sua cau naravaru ia, 'inmamia tia muru'u'u na cau cucumeni. 'akia nguain tamna ramangu.

putucaua kari mamarang. sua ka'anu tumatimana kari mamarang ia, paira nguain sua pamuci.

masakunua kukunua. sua ka'anu masakun kunua ia, ka'anu tia ara'una. manasu tia paira moravu.

noo cumacu'ura 'una cau 'esi muru'inasu, makacangaa muranu 'inia. matua tia 'una ucani taniara, tia muranu kasua sua cau cucumeni.

makasia kari mamarang miana. 'apaco'e kari miana cu sua isi, nakai, 'esi tisikara na navungu maku. kamucu kita kavangvang nanamu Kanakanavu, avara'e sarunai, avara'e nanaku, tuni kavangvang atunungu makasia kari, tuisua sipungaringari mita.

長老的訓勉

以前原住民族還沒有文字，沒有學校，沒有專職老師的教導，但是人們知道要相親相愛的相處，要互相協助，分工合作。到了不同的季節，知道該從事怎樣的工作了。有人去狩獵回來，會邀請親友分享獵物，彼此致謝。到了祭典節日，族人大大小小都有各自的工作，各自的位置，長幼的禮數。的確，以前是沒有老師，不過，每一位長者都是老師，族內長老常有以下的訓誡：不要欺瞞；不要偷竊；飲酒不過量；工作要勤勞；長幼要有序；食物要珍惜等。